

皇明經世文編

皇明經世文編卷之四百二十九

華亭

陳子龍臥子

徐孚遠闇公

編輯

宋徵璧尚木

徐鳳彩聖期

盛翼進隣汝叅閱

侯給諫奏疏

疏

侯先春

為審勢量力酌陳今秋防守事宜疏

遼左防秋

臣往在京邸嘗聞諸邊款貢遼獨當虜故遼之兵素能戰遼之將素號敢戰心竊壯之乃今詢之輿論稽

之往事。質之耳目所覩記。則云戰者徒虛談耳。臣備員瑣闥。皇上不以臣爲不肖。俾從諸臣後。得與閱視之役。臣若循習故事。甘爲欺謾。是負皇上也。遼民見臣受命以往。謂可徼恩。皇上拯之水火之中。遂奔走號訴于臣。臣若循習故事。甘爲掩飾。是負遼民也。臣則何敢。顧臣復念事求可。功求成。故終不敢過爲已甚。責人以不可能之事。而強之以必戰也。獨計將來不當復循故轍。令我無辜赤子。再受荼毒耳。臣請先言已事。而後陳今秋防守之策。虜自兩年以

來四犯遼海蹂踐我內地四五百里不可謂不深入也。馮陵我郊堡八九晝夜不可謂不久也。殺虜我子女凡以萬計不可謂不多也。肝腦塗郊原哭聲震山谷不可謂不慘也。而爲將者漠然不以爲意。嬰城自爲衛。閉門待去。未嘗以一矢相加遺也。說者謂虜衆我寡難與爲敵似矣。獨不可牽綴之。使賊不得掠取。驚擾之。使賊不得安息。張疑設伏。使賊不得深入。且久駐乎。縱不能然。獨不可擊其惰歸。邀其去路。使賊不得盡挾我子女以去。糧糗牲畜悉爲虜資乎。柰何。

任其揚揚而來。復任其揚揚而去。如出入于空。無人之境也。此遼海人所以切齒姚孫二將。無不願飲其血而寢處其皮也。往事無論已。夫虜犬羊也。受箠則去。投骨則來。虜旣得志而去矣。今歲秋深。必且復來。來則其勢必甚。其入必深。何者。習知我不戰。無忌憚也。遼海以東。金復等衛。民居稍密。舊號沃壤。虜垂涎非一日。目下奸細接踵。間有捉獲者。僉曰。虜謀搶南衛也。則其必由遼海入可知矣。若非預畫奇策。厚集勁兵。令虜疑忌。則虜必恣意深入。遼海一空。金復殘

破如人病後加病。遼事將不可爲矣。夫遼陽海州地勢平漫，無山險可恃，無邊墻可守。遼海兵馬寡弱，必不能支。非大營兵不可。且遼海亦鎮守地也。遼海失事，亦鎮守責也。臣請下明旨，命鎮臣于八九月傳虜之初，卽盡率所部兵馬移駐遼陽城中。虜信漸急，則率營中裨帥軍于遼海之中，遼陽副將軍于遼陽之北，海州叅將軍于海州之東，各據要害，互相犄角，不得株守城中，逗遛觀望。又檄開原鐵嶺將領移軍瀋陽等處，金復將領移軍耀州，寬奠將領移軍析木，以

備策應各城止令守備官督率部兵城守不得籍口貼防以分兵勢。倘虜聲言西掠以牽我師則令廣寧錦義各城將官人自爲守或遣一裨將率兵千人號五千人虛張勢焰以爲聲援。蓋廣寧境土磽瘠行掠無資錦義向遭殘毀地土亦狹決非諸酋窺伺之地縱有入寇百千計耳本城兵馬自足捍衛無庸過慮往歲處處貼防愈分愈寡正欲爲口舌以逃不戰之罪今秋更不得援此爲例也。况遼海河西緩急迥別大舉窽犯利害較然此不能料焉用彼將哉虜情告

急則當令大營裨將與遼海將領各領兵二三千分屯近邊聯絡散布遠不得過數里晝則多張旗幟夜則多設大鼓以張威焰虜必心疑不敢徑入而我惟明烽燧嚴哨報清屯野靜以待之如是而虜恃得志聯營直入則令我兵倏忽潛伏姑勿與戰惟秣馬蓐食繕甲厲兵徐俟其變而圖之虜入我境必恣攻掠馳驟無停時格鬪無遺力其勢必困夜宿我境昏昧莫辨易險莫知其心必疑馬之水草不時芻粟不飽

掠後夜多酣寢切之良易

虜入犯飽

皆病候也其馬必憊我于此時先選降夷或勇士數

十人衣胡服各負火砲。潛逼虜營。約以中夜舉放。我軍五合六聚。鳴金擊鼓。喊聲振搖。從而擁逼之。真若颶風之陡發。怒濤之驟注。雷霆之奮擊者。彼危疑中。重以驚擾。人馬不相顧。戰具不相親。有風靡而走耳。預勅我軍勿貪首級。勿邀人畜。惟大震鼓。喊聲躡虜遁跡而追之。則彼魂搖膽落。氣奪勢窮。必有失馬之鞍勒者。失人之盔甲者。天明掠殺之。皆我有矣。彼所掠我糧食牲畜。必且棄之道路。彼所掠我子女。必且乘勢逃回。卽久爲虜掠。用以嚮導。亦將倒戈相迎。復

我版圖矣。必如是而後可一創虜。遼人猶有生氣也。此亦不過牽綴之不得深入且久駐耳。計今遼中兵力尚堪辦此。臣故曰非責之以不可能之事。不量衆寡而強之必戰也。若夫虜至則嬰城自衛。縱敵殺掠。虜去則拾取一二老病遺賊。或強奪屯民。打死零虜。或割取華人被殺首級。假捏粧點。名爲堵截出境。非惟逃罰。且以報功。臣不知其爲功也。臣又見途來每以堅壁清野爲辭。夫堅壁清野者。兩軍相持。深溝高壘。且俾野無可掠。將以老其師而坐困之。非謂嬰城

自衛縱敵殺掠兵反在內而民反在外也而况殺掠踰萬野亦未嘗清也野未及清何取堅壁借以自文將誰欺乎此又將官脫罪之術而遼人受禍之源也合無今次論功當以張威堵截虜不入境爲上雖無斬獲卽有損傷空破格陞賞夜擊驚擾虜卽出境及救回擄掠多人者次之一體陞賞上不能堵截次不能驚擾止擊情婦邀回被虜人口及有斬獲者功罪相準其有嬰城自衛縱賊殺掠及割奪首級粧捏報功者必究問如律明正典刑以警將來不空寬貸近

督臣疏謂大小捷功俱免叙及始無疑忌而可盡言此誠確論。臣謂不特督臣卽撫道亦不宜叙也。蓋撫

臣者所以稽察將官而司道者所以佐撫臣稽察將官若與將官同功罪則彼此顧忌卽撫道無邀功避

有以也

哥之心而承委查勘等官孰敢不爲蒙蔽者耶。如閏

三月十五之事說者尚欲報功而撫道據實引咎者似不可槩責之平時也。倘後撫道以稽察得實爲功不以獲捷爲功以扶同隱蔽爲罪不以損失爲罪則勘官不至迎承而將官無所假借賞罰嚴明人心振

肅而邊務尚可整頓乎。不然上下相蒙。習爲欺玩。遼東之狼狽。臣不知其所終也。臣閱歷地方。目擊殘破。秋來虜患。急在燃眉。此誠存亡生歿之關。義有不容默默者。然臣此言。皆量其勢所可爲。力所能爲。終未敢過爲已甚。而責之以必不可能之事也。遼左僻在閔外。天各一方。萬里君門。無由籲訴。廟堂之上。不聞殘破之狀久矣。臣復不言。謂遼左生靈何。謂皇上任使何。遼雖彈丸黑子之地。實京師左臂。關係匪輕。伏惟聖明留意焉。臣愚幸甚。

清馬政以裨邊疆重務事

遼左馬政

臣奉命視師遼左自入境以來廣詢博訪僉謂遼之最急者馬而遼之最不堪用者亦馬遼之最耗國儲者馬而遼之最累軍士者亦馬嘗與撫按諸臣蹙額而語扼腕而嗟思一爲之釐正也久矣近接兵部職方司手本該本部題覆閱視山西科臣張貞觀疏爲孤鎮軍膏剝削已極等事內稱將官販易夷馬之蠹軍士買補營馬之苦通行酌議應叅將領據實叅治仍訂爲釐弊甦軍之法另行題請等因到臣該臣訪

得向年遼東馬市利歸權勢前撫臣顧養謙廉其弊而救之用銀二萬兩官買軍領誠良術也柰何一法立一弊生勢有必至而腥不除蛇不祛物有固然是故虜方傳箭將入市也。正安堡遊擊鎮靜堡守備利其好馬要于境外選買之。此其弊在本管官虜旣報箭已入市也。則尊官貴戚家人門胥遠其好馬搜于市場先買之。此其弊在權貴自餘非老則病不疲則羸先儘正營諸將官二三十人而後及富商各將官所買則發之右屯衛備禦撥軍牧放多者百餘匹少

者數十匹。遇有軍或家丁倒失馬者。徑自給散。迨其解驗印烙。大者扣銀二十兩。小者扣銀十六兩。仍外索稍銀。此其弊在各將官。至于富商所賣。則撫臣委官一員。同廣寧備禦。闕不使出。照依原價買之。亦索稍銀。而委官不勝其私。賄囑紛然。度馬有利可別售者。放而去之。無利衆所棄者。擡價濫收。甚且以已老弱。私易壯健。此其弊在委官富商。夫私公之蠹也。弊害之府也。利于私。必病于公。有其弊。必有其害。是故上而國也。歲發太僕寺馬價銀一十一萬兩。其初則

買貨委官扣侵者十之一二，其既則前項各官扣入者十之六七，馬隨補隨倒，銀歲耗，軍不得需分毫，誠哉國之漏孔也。害國莫甚矣。下而軍也，馬纔領，卽有倒者，養二三月。或數月倒者，卽不倒而老弱，棄之不可飼之無益。以有用芻粟飯無用馬匹，甚且稍銀之加添，倍徒官價。貧軍不勝勒索，有鬻妻易子以償者。有鬻妻子不足，繼之以逃，且死者。又有奸軍藉口索詐戶丁，并其戶丁鬻妻子而逃，且死者。抑又民之陷穽也，害焉莫甚矣。是該部所稱將官販易夷馬之蠹。

軍士賠補營馬之苦。遼中與各鎮同也。而所稱釐弊。甦軍之法。則遼中有獨難者。將禁將官。而將官有所不能禁。將責司道。而司道有所不能行。將收良馬。而良馬必不能收。將革稍銀。而稍銀必不能革。臣何敢以虛文塞責已也。蓋遼中事勢與各鎮迥別。隔遠關外。僻在海隅。武弁則如蝟如蟻。文官則如參如辰。真有軍中但聞將軍令。不聞天子詔者。故雖以撫臣之重。按臣之權。而法不能盡行之于下。情不能盡達之于上也。卽臣奉命視師半載。而法亦不能盡行之于

下情亦不能盡達之于上也。故臣焦心蒿目，蚤夜以思，求所以爲釐弊甦軍之法者，而卒不得其要領也。無已，則有一焉，蓋將官之得以販易夷馬而恣無忌憚者，雖由法令不行，亦以官買之馬少而所不買者多也。軍丁之所以買補營馬而不勝苦累者，雖由處置之無法，亦以官給之馬少而所不給者多也。夷市之馬，孰非朝廷之馬，奈何棄實利而甘受實害乎。邊境之軍，孰非朝廷之軍，奈何給馬者十一而給價者十九乎。且遼東每歲京運馬價，凡一十一萬七千有

奇價非不足。而何有于一萬兩也。合無自今以後凡

夷馬盡數官買之。將官富商不得私買一馬。有私買

者。卽以私出境外。走泄事情論。凡軍馬盡數官給之。

將官富商亦不得私賣一馬。有私賣者。卽以私賣戰

馬論。此法行而後弊可革。弊革而利在其中矣。私買

既禁。收馬自良。利一。價無高擡。馬價自省。利二。馬少

疲驚。操馬克實。利三。馬由官給。軍免稍銀。利四。倒死

漸少。軍不賠償。利五。馬無私收。軍不受累。利六。收馬

愈多。子銀愈積。利七。蓋禁其買。則富豪不得夤緣。爲

奸其不然者，不至要境外，搜市場，以極于退壯健而收老弱，不止卽百法懲之，其弊固在也。禁其賣則富豪不得借口索勒其不然者，不至扣官價，索稍銀，令民鬻妻子而就逃亡，不止卽百法革之，其弊固在也。由此則官與民兩利，由彼則官與民兩害，其大較可覩已。倘謂王者不盡意以遺民，不宐盡買夷馬，則臣未聞棄利而趨害，廢國法以利奸民也。且今內帑空虛，國用匱乏，方求生財節用之道，而遼東兵餉預支四十餘萬，皆由此輩耗損致然，尚可借寬大以濟奸

貧耶。况克操馬惠貧軍。其利遼左。生民更大。又有不止利國者耶。寧爲將官拓外廐。不爲國家塞漏卮。寧爲將官開利藪。不爲貧民除階筭。臣不恐也。臣聞治道去泰甚。語曰。琴瑟不調。甚者必離。而更張之。乃可。鼓。遼中馬市不調。且泰甚矣。去泰甚而更張。此其時乎。若謂不須更張。不必盡買夷馬。稍一禁約。風弊頓清。是不過借革禁之虛文。掩一時之耳目。以欺上。也。臣有死不敢也。臣竊謂不欲釐弊。甦軍則已。誠欲釐弊。甦軍。舍此更無別法也。但此法未行之先。害

于國與軍甚大。而利于將官亦甚大。此法一行之後。利于國與軍甚大。而不利于將官亦甚大。是在朝廷之上。斷而行之耳。伏望勅下該部。亟議施行。庶馬政清。而我務大有裨益也。臣不勝大願。

皇明經世文編卷之四百三十

徐孚遠關公 朱徵璧尚木

華亭

陳子龍卧子 李 雯舒章

選輯

嚴 嶠銳子叅閱

史玉池奏疏

疏

史孟麟

專職掌廣言路以防阻塞以杜專擅疏

專職掌廣言路

臣惟國家張官置吏以爲民極獨有官守言責二者

而已官守佐天子以理天下而其職欲專不專則散

且亂亂則竊弄者得而收其柄言責佐天子以正天

下而其路欲廣不廣則隘且私私則僥倖者得而逃

其奸臣自通籍以來竊見閣臣侵部院之權臺諫象

此微言意指江陵也

閣臣之指官失其守言失其責識者傷之久矣賴

皇上易置輔臣嘉與天下更始於是事權歸六部公

論聽科道舉朝欣欣各思自勵或亦易亂而治之幾

也迺者以建言非人嚴旨切責因謂近來士習好言

是時攻江陵者皆致類擢

皆因以言獲罪者往往驟致通顯今後還要辨別真

偽較量人品稽查職業無徒取其空言以啓僥倖信

斯言也。必朝廷無過動。大臣無過舉而後可。不然其阻塞言路之階乎。又輔臣建議欲各部會議會推。着九卿科道掌印官類奏。以杜專擅。信斯言也。必官府皆正人。盈庭皆君子而後可。不然其收攬威權之地乎。在輔臣或以一時意見之誤。而勢之所趨。有不至收攬阻塞不止者。臣請爲 皇上終言之。我 太祖罷中書省。而設六部以分庶務。恐其專也。而官各有職。職各有掌。不相侵奪。不相干越。則又惟恐其不專。蓋以一事而任一官。則專非爲害。卽以一官而敗一

事亦罪有所歸斯 祖宗分職之意也。今一則曰各衙門各書所見。一則曰類奏以聽上裁。則始以一部之權分而散之於諸司。究也以諸司之權合而收之於禁密道旁築舍。三年不成。卽有誤者。誰執其咎。聽自上裁。旨由閣票。或有私意。奸其間者。內托上意外。誘廷言。又誰執其咎。又設有馮保張居正者。夤緣爲奸。授意外廷。小人趨承。符同罔上。朝廷不得察其非。當官不能爭其是。又誰執其咎。且會推發單之說。前者已行。以勢不可而止。奈何於今而復欲行之乎。臣

竊謂職掌自各部專之。則非以爲專擅。而不專。則必有專之者。乃所以資專擅。故曰類奏取裁之議。不可爲法也。是收攬威權之漸也。我朝設六科司言。十三道司察。而又令科道官得以風聞言事。專其言也。至於百工技藝之人。亦得直至御前奏事。而又未嘗禁人之言。蓋其人。是而其言。亦是。固裨益於朝廷。苟其言是。而其人。卽非。亦何傷於國體。斯 祖宗求言之意也。今一則曰觀望成風。一則曰空言僥倖。則是以一人之非。而欲盡廢其言。以一人之言之非。而欲併

廢直言之人，借如大臣奪情，一時五諫臣七翰林之疏，俱非臺諫，其謂之職業耶？空言耶？非耶？奪情抗疏諸臣，致身卿相，豈曰無人，而鄒元標伏在下僚，同於禁錮，其謂之通顯耶？非耶？抑量其人品耶？卽今經畧大臣，借任事以逃公論，人知其非，而御史郭實竟以直言見謫，其果真耶？僞耶？抑非其職業耶？且禁止建言，積非一日，人心痛恨，莫切於斯，奈何此時復以一言者非人，而遂欲效之乎？臣竊謂言官有意辨之，則害貽於君子，卽不辨之，而天下自有辨之者，倖必不

及於小人。故曰觀望僥倖之言，不可爲訓也。是阻塞
言路之階也。語曰毋爲禍始，毋爲亂階。又曰不見其
形，願察其影。昔仁宗命夏原吉擬旨，原吉輒擬某部
知道。或以問原吉，答曰：予奪之柄，非臣下所敢專。故
付之六部，定其可否，而後取自上裁。則事有所分，權
不下移。噫！此大臣欲專職掌之遺意乎。英廟朝，曹吉
祥擅權，有投書指斥時事。吉祥請榜購告捕者官三
品，大學士岳正呂原諫曰：爲政有體，朝廷豈可自榜
購募。秦始皇下妖言令，竟不聞其過，以亡國。乞以秦

爲戒。事遂止。此閣臣欲廣言路之遺意乎。而孟子之稱樂正子曰：其爲人也好善，好善優於天下，故一己之善其善小，能容天下之善其善大。倘臣言可采，亦輔臣優於天下之資也。且輔臣亦嘗建言矣。嘗欲以政事歸各部矣。必懷原吉之慮，存岳呂之心。臣之言期於共成其是而已，非與之論是非，爭可否也。伏惟聖明垂察焉。

恭撰條議以便聖覽疏

建儲

臣惟册立大典，貴協輿情，羣言僉同，卽爲至論。自正爭固本疏甚多不能詳載僅錄一二此篇亦有各故

月二十六日、其之聖諭甫下、人心悚惶、卿僚大小諸臣

前後數十餘疏、蓋以必不可行之事、創見於今、是以

大不得已之心、共激於義誠思、聖覽未遍、封章撮

其總歸、條爲問答、竊佐萬年之計、敢希一夜之觀、問

曰、元輔王錫爵所擬待嫡封王、聖諭是乎、答曰、非

也、朝廷舉動、必守祖宗家法、而爲後世慮深遠、祖

宗朝東宮無待嫡之條、元子無封王之例、重儲貳先

正名、繫人心也、乃不立長於今日、而待嫡於將來、欲

令皇長子與皇三子皇五子並封爲王、輕國本紊

各分壞。祖宗家法，遺子孫隱憂，無大於此。問曰：信如東宮不待嫡，元子不封王，則世廟晚年不建太子，而皇考穆宗以裕王登極，斯何以稱焉？答曰：查得嘉靖十八年二月朔，冊立元子爲皇太子，第二子爲裕王，卽皇考第三子爲景王，是皇考非以元子爲裕王。同太子而封王者也。皇祖蓋立太子於初年，非晚年而猶不立也。是豈可爲待嫡封王者例乎？問曰：然則祖訓立嫡之文，何以答曰：詳讀祖訓法律全文，曰：凡朝廷無皇子，必兄終弟及，須立

嫡母所生者，庶母所生，雖長不得立。若姦臣棄嫡立庶，庶者必當守分勿動，遣信告嫡之當立者，務以嫡臨。君位朝廷，卽斬姦臣。按此乃藩王入繼大統如皇祖故事，非繼體承祧者比。援之則悖。祖訓也。臣

下引之則誤。皇上也。且嫡長並重，有嫡立嫡，不聞

無嫡而待嫡。有長立長，不聞有長而虛長。必若無嫡而待之，將置長於何地而定儲於何年？問曰：然則無

待嫡者乎？答：藩王有之。祖訓職制條曰：藩王嫡

長子年及十歲，朝廷授以金冊金寶，立爲王世子。如

或以庶奪嫡輕則降爲庶人重則流竄遠方如王年三十未有嫡子其庶子止爲郡王待王與正妃年五十無嫡始立庶長子爲王世子是藩王待嫡之例也問曰親王可以待嫡而東宮不可以待嫡何歟答曰是祖宗憂天下之深也宗藩無民社而重統緒重統緒而長不可先嫡無民社故嫡可待而世子可緩至於朝廷則不然天子爲宗社生靈主太子副天子爲宗社生靈主儲位不可一日虛天子不可一日無副故帝王卽位卽立太子嫡子未生卽立長子誠謂

前○定○可○以○守○法○不○前○定○則○爭○且○亂○安○危○係○之○耳○且○考
之○藩○例○元○妃○之○後○有○子○不○復○繼○室○繼○選○之○妾○有○子○不
復○稱○嫡○卽○藩○王○亦○何○嘗○不○重○長○哉○今○以○東○宮○而○援○繼
統○之○條○天○子○而○襲○藩○王○之○例○其○遵○祖○訓○耶○非○耶○無
乃○非○祖○宗○憂○天○下○心○乎○問○曰○嫡○之○不○可○待○既○得○聞
命○矣○元○子○不○封○王○亦○有○說○乎○答○曰○有○天○子○繼○體○之○胤○
稱○子○稱○孫○故○名○皇○太○子○皇○太○孫○若○曰○以○子○孫○而○承
祖○宗○也○非○爵○之○也○別○子○則○王○之○王○必○繫○之○以○地○蓋○爵
之○官○而○祚○之○土○俾○稱○藩○臣○今○皇○上○繼○體○者○元○子○也

不可爵其可王。王則卑。元子亦卑。皇上。皇上所
有天下。皆元子。有王之則。則當以何地王之故。皇三
子。皇五子可封。而元子必不可王也。問曰。允若此。則
元輔所擬。聖諭誤矣。其所引元子拜嫡之說。或可
權宜行之。而奈皇上不聽。何。答曰。非也。誠皇上
所謂非光明正大之道也。蓋中宮敵體。皇上。有子
則已。子爲嫡。庶子爲庶。無子則凡子皆子。而長子卽
嫡。何待拜而後子乃爲太子耶。秦異人之拜華陽。漢
惠后之子少帝。典冊所著。指爲厲階。奈何以漢宋一

二偶爲之事。爲國朝創一家法。貽後世利。幼抱養之。爨耶問曰。是無難知。然則。皇上曷爲而權宜。元輔曷爲而曲弘。廷臣曷爲而固諫。皇上曰。被誣。元輔曰。蒙謗。意其有隱情歟。幸畢其說。答曰。皇上元輔之意。廷臣何能知。顧連署而爭。累章而懇。非爲。皇上一身。非爲元子一王。非爲輔臣一旨。誠恐作法自今。流弊無已。倘嗣此以還。代無嫡出。則代無東宮。長子非太子。則凡子皆太子矣。寧保無詐稱遺詔。更爲賜書。如趙高之禍秦者乎。寧保無貪立幼年。禁中定

策。如閻顯之禍漢者乎。寧保無積愛成嫌。投懷希寵。睥睨儲位。如魏王泰之伺承乾乎。寧保無秘語不售。搆獄株連。危言惑上。如李林甫之誤玄宗乎。寧保無片紙出宮中。乘其倉猝。援立所厚善。如司馬光之所慮者乎。寧保無羣小窺伺。耳屬於垣。樹功藩邸。如李泌之所懼者乎。有一於此。誰任其咎。試使皇上而念及。必不忍子孫有此。元輔而念及。必不忍皇上有此。廷臣而念及。必不忍皇上聖明。元輔膺眷。相與計安宗社。而有此。獨目前計也乎哉。而觸忌諱耳。

斧鎖以爭也。問曰：然則奈中宮何？答曰：祖宗朝立

長者非自今矣。長子不過數歲，即立。立時中宮俱在。

盛年而當時不聞以嫡母壓長，晚年亦不聞以嫡出

聖。同。當。有。意。

兩儲宮闈中自有家法。皇上豈不明之，則以一時

宮闈之情較之萬世宗社之計，理則不敵，忍於萬世

宗社之計而不忍於一時宮闈之私情，亦不敵。皇

上豈宜以此貽子孫。元輔豈宜以此誤。皇上。易曰

主器莫若長子。傳曰：國有長君，社稷之福。孔子曰：名

不正則言不順，言不順則事不成。賈誼曰：天下之命

懸於太子。太子之善在於早諭教。叔孫通曰：太子天下本。本一搖，天下振蕩。奈何以天下爲戲。屈建曰：楚必多亂。一兔走於街，萬人追之。一人得之，萬人不復走。楚多寵子，而嫡位無主，亂自此生。魯漆室女曰：吾愛魯君老，太子幼，魯國有難，身必與焉。夫處君臣父子兄弟之間，不據理執經，明大義以杜禍始，而徒以中宮爲解，以封王爲權，待不必然之嫡，遲十二齡元子冊立之期，壞祖宗二百年一定之法，是忽主器，悖正名，緩教諭之義，啓振蕩之端，無漆女愛魯之心。

而犯屈建逐兔之戒拂人心誤國計甚矣問曰然則何道而可答曰昔宋太宗謀建太子於寇準對曰陛下爲天下擇君謀及婦人中官不可也謀及廷臣不可也唯擇所以副天下望者太宗首肯而仁宗立英宗爲太子韓琦力贊不疑帝竟付中書行不使宮人與知願皇上如太宗仁宗之斷元輔盡寇準韓琦之忠從外廷羣臣之望則宗社幸甚天下幸甚許少微奏疏

疏

許弘綱

皇明經世編

許少微疏

建儲十平露室

西夏敘功敬陳未議以重爵賞疏

平時功夫

臣聞古之善觀人國者觀其爵賞何如而已當則威王封一卽墨而齊治濫則肅宗偏給告身而祚衰人臣任職非事敗而同其罪者不當事成而同其功後世等功賞於覃恩循襲故常曲全體面人主旣輕授之臣下亦輕視之于是乎名器愈濫而事功愈不可成國家承平久矣士大夫固不習兵寧夏變興中原震動召四方之兵歷三時之久始克蕩平蓋謀夫孔多羣方畢舉非若宸濠寘鑄之捷沉定而消神武而

莫測也。說者以爲宗社之靈詎不信歟。然茲役也，九塞安危，關係不小，奈何以平日邊功視之，特一時臣子不宜重自矜詡，以多取數于朝廷，貽將來口實耳。先是總督葉夢熊、監軍御史梅國禎各疏報功次，頗號詳明。然一嘉諸鎮之勞，一陳欽遣之伐，意見不無異同。昨該按臣劉芳譽奉旨覈定奏報，獨詳按事情，別陞賞，直書特書大書，不一而足，犁然備矣。臣等事關職掌，日逐看詳，下採公評，上引繩墨，可無一言塞責乎。然行間將卒，出萬死一生，卽賞疑固當從予，况

經覆覈。寧復有他。雖數近五百員名。臣等不敢苛論。論其大者。夫舉裘者必挈其領。敘事者必引其端。方賊之初反也。一鼓而下河西四十七堡。勢且炎炎。燎原。不犄其前。不角其後。惟嬰城自保。而後賊可圖也。則當敘遏賊之功。已而賊急勾虜。虜堅助賊。賊俯而戰。我仰而攻。殺士卒萬餘。而城守自若。不一離其腹心。何以使之內訌而變作。則當敘間賊之功。大俘獻矣。劉許誅矣。藉令哮民少延。得毋養虎遺患。而片紙密授。禍本悉除。小信小慈。何足論也。則當敘滅賊之

功。遏賊之功。蕭如薰尚矣。來保之守靈州。李胸諸人之收復城堡。是其次也。退虜之功。李如松尚矣。麻貴之力戰。董一元之搗巢。是其次也。間賊之功。周國柱尚矣。李登王英夏之時等。是其次也。滅賊之功。原出葉夢熊獨斷。而諸將之乘機戮力。抑又其次矣。若諸偏裨。自不得與大將齊衡。提督總兵。自不得與督臣並論。而總督巡撫監軍三臣者。全軍皆屬。駕馭成則一體論功。正不必以某事某策分彼己。較低昂。此輕重之等也。府州縣各效微勞。則敘李崇德等八人足

矣。列城循吏。宜闕之以需別項之薦章。各司道共襄厥美。則敘楊時寧。劉光國等十人足矣。其餘方面。盡置之以待將來之表樹。各差御史。苟非身與劬勩者。決不希恩督撫諸臣。上係奉旨徵調者。必能讓善。至承舍吏書紛然白簡。雖云往例。寔係陋規。所當釐革。寧夏之功說者以爲葉李尖換瑤之此詳間之辨也。魏學曾功魁罪首。業已鑒自聖衷。然被罪則救者連章。敘功則贊者交口。人心如此。公論可知。蕭如薰傾囊以鼓戰士。奮勇而斃渠魁。臨期則蹇蹇王臣。居功則恂恂處子。一時名將。寔鮮其儔。類

敘之中。信宜有優異之典。蔡可賢趙夢麟董一奎等。雖經廢革。或難以過而盡掩其功。俞尚德向稱鼓譟。何遽以功而盡掩其罪。此權度之準也。至如臣弘綱者。挈瓶之智。既不如人。汗馬之勞。無能爲役。若以本等章奏。目濫署名。則自朔方告變以來。封事日盈。几閭將言言而按之。人人而秩之耶。且國家既設兵部。又該兵科。無非欲其事共叅。謀法相印証。故必身居知大休之言寵辱之外。而後可以定人之罪。次人之功。若賞云則賞。陞云則陞。彼諛此狗。雷同爲利。陛下亦何賴焉。

夫驅命難同瓜菓。做袴必待有功。爵賞一端。明主斤

斤愛惜。今有事則將士暴骨于原野。儒者袖手于廟

廊。事定則棲魂沙漠者。未沾片語之溫。而錄錄因人

者。濫沐逾涯之寵。欲以抑貴近勸勞。臣使天下望風

畢命。斯亦難矣。臣觀二祖之朝。非戡亂大功。不輕

議賞。即世宗平倭之役。初奉欽依擒王直者。許封伯

爵。及直就擒。賞格最稱簡易。國家恩何患今日之不

隆。患將來之不繼耳。年來些小邊功。輒叨上賞。士大

夫習而不察。日取益焉。矧是役也。宜中外之有越志。

中朝拜塞上之恩。誠為可耻。

神宗時如平海平時則界。

和時可也。此處其亦不甚滿於某龍澤乎。

臣等以爲 陛下宜稍節之。仍乞著爲定例。以後按
臣勘功。止敘在外文武員役。至於閣部 恩命。則斷
自聖心。司屬等官。則聽憑部覆。不必一槩稱敘。襲故
導諛。是或一道也。夫功成議賚。通國譁呼。臣等何心
獨云慎重。喜勝易多溢美之詞。戰勝易多溢格之賞。
明主論功。亦求其當而已。若曰操文法以茂邊功。博
名高而圖自樹。夫何敢哉。

兵事方殷。敬陳末議。以濟勦勦疏

平倭机宜

臣本樗櫟。待罪山林。荷蒙 陛下拔臣于病廢之餘。

授以兵垣之長、軍旅雖云未學、當官寧遂無言、然臣非躡足行間、不敢臆說、特言其仰贊廟謨、執樞而廣運者耳、廟謨大端、惟聽言用人兩事、聽言貴廣、今則愈廣而愈淆、用人貴專、今且旋用而旋惑、此臣所未解也、夫盈庭之議、誰非殫赤而抒忠、然甲可乙否、尺短寸長、奈何而不持之以堅定耶、古之君臣、其運籌握勝于密勿之上、天下固有所不及窺、而神閑氣定于當事之衝、天下自有所不及辦、今一題一覆、已屬漏師、此是彼非、譁然聚訟、羣策固屈、羣力議論大廢、

成功一有兵事廷議紛然使臣無所措手足最尾臣請自今以往寧夏軍務姑付彼中聽其隨機

應變小遲勿急小敗勿撓小費勿惜苟其據實上聞

不必遽相駭詫諸臣條畫毋論談倭談賊明勅該部

慎為題覆須洞中肯綮始為施行間或事屬疑難共

當商確臣等會同該部該科干朝房面相印證必其

意見不合然後另疏請裁固不敢諾諾以雷同亦不

必嘵嘵以炫異庶百官之心志寧一三軍之耳目靜

專不中制不外牽蕩平可立待耳昔趙充國漢庭老

將猶曰兵難遙度趙括馬謖非不燁然傾聽識者預

料其不終夫兵詭道而陰用談何容易也譬之奕棋
一人當局十人譁而教之鮮不敗矣况且暮形勢煙
雲倏忽未臨敵而設機宜猶未見碁而談應着也可
盡曰旁觀者明哉偏執之時利用謀淆亂之時利用
斷此臣所前而借箸也寧夏一節陛下主之以總
督矣又爲之聚二三都御史矣庭遣一監軍一大將
矣當今豈患不多人患人多而見未盡合耳忌撓一
旨凜若秋霜孰不驚戒功名利害之念人人有之彼
封侯未卜誰氏勞苦莫辨功高容或互相觀望耳今

第勅撫臣朱正色會同蕭如薰專心禦虜退卽敘

上功沈思孝督率司道等官專心饋餉餉道不絕卽

敘上功○是時魏提督已遠矣若又紛紛和功必不成就葉夢熊會同李如松專心討賊賊平卽敘上

功以分任責之使功罪易明雖犄角互相爲用呼吸彼此相通而事權既分功

罪易見謀猷競展猜忌不生固一筭也若又紛紛調

遣竊恐更置者倉卒不辦在事者慚忿灰心師墮厥

聲敵乘我隙犯人之憂莫尾所從矣方今薊遼督臣

聞母憂順天撫臣有歸志倭變剝膚去留關係此又

臣之所汲汲也再照師之制勝有緩急而志氣不可

皇明經世編

許少微疏
卷之二

平倭想
六

平露堂

以不揚。今寧夏合數道之兵，頓之堅城之下。曠日持
久，無所見功。師已老矣，而糧餉不繼。飢病奄奄，救死
不遑，安能制敵。撫臣未正色所報，讀之令人寒心。
陛下以專殺付督臣，軍威應稍立矣。若巡撫不至，其
腹吞聲，隱憂可勝道耶。古之明將，往往與士卒同其
苦，共勞逸，甚至吮癰疽，編妻妾，而後有投石超距之
鋒。有折馘執俘之績。今何等景象也。臣以爲陛下
宜亟勅諸臣，速備糧餉，以安其心。便宜陞賞，以作其
氣。而又明著詔令，但務成功，不拘常格。事寧之日，決

不輕信謗書斤斤文法。然後將得盡行其志。士得淬
礪其鋒。寇始在吾目中耳。至于倭雖密邇。然兩虎相
鬪。雖強亦疲。我之內防。須有次第。舉旗陷陣。騎誠不
如步。北兵誠不如南兵。然使不先具餉而廣募。兵旣
集。兵而始待餉。是更生一敵也。覆轍相尋。後車當戒。
乞勅戶兵二部大臣。同心計議。毋更空談。抵牾。此皆
目前要領。臣是以首言之。

計典乍竣。衆志方新。乞崇寔行。以端士習。事

察典

臣初入該科。會逢京察。先是咨訪四出。議論繁多。眩

惑恫疑人人重足，加以無名擗帖，相望通衢，而傾危
幾成俗矣。幸明旨申飭再三，當事諸臣公明長厚，一
時別白，較若鑑衡，而人心於是乎大定。虞廷黜陟，其
蔑以加此矣。顧念斯時也，風波始息，朝署一新，是沐
者彈冠之秋，浴者振衣之會也。轉移化導，詎可視爲
緩圖。昔人有言，貧夫殉利，烈士殉名，蓋士之趨朝，猶
賈之趨市也。百變而百趨之，疾於影響，臣不敢遠有
所引。姑就前此六年之內，人情變態，爲陛下陳之。
壬午以前，權奸在事，黨同伐異，閃爍動人，天下之人

以爲時之所尚者論此數年中風俗爲確或在彼也。於是乎媚瀝乞墮，其心

罔上，苟蒙一顧，罔恤生平，卽鄉黨自好者流，猶或望

而趨之，故其爲習也。奔競而可鄙。陛下一旦鋤根

撥斥比周，曾不移時而奔競息。癸未以後，泰運方亨，

引用老成，復諸擯棄，天下之人以爲時之所尚者，固

在此也。於是乎悻悻立名，高自標榜，爭蹊取徑，漸失

本真，卽假瑜相半者流，猶將襲而取之，故其爲習也

矯激而不情。陛下一旦塞速化之途，嚴出位之禁，

曾不移時而矯激平。夫奔競矯激二者，則有間矣。此

望彼趨神於倏忽士習之變何常之有。今之簡汰而
議黜者。詎不足爲永鑒哉。然而士當事時。奔競不可。
矯激不可。則其囂然嗜進之心。與夫勃然邁往之氣。
必將醞蓄騰湧而未能頓消。故士習巧僞。致煩明旨。
議論紛起。上惕聖衷。此其彰明一驗也。臣嘗謂人情
之在天下。猶水之在地中。不流於此。卽流於彼。不潰
於東。卽潰於西。卽瀕爲江湖。滙爲巨澤。而怒濤驚浪。
猶且日夜嘶號。故夫善治水者。非壅閼遏絕之難。而
疏通利導之爲貴。善敷教者。非振刷防範之務。而潛

消默化之爲先。陛下試爲今日人心計。將恃六年之黜陟防之乎。抑導之使歸而後已耶。誠思有以導之。莫若崇恬靜以消其競。敦本寔以祛其浮。取夫不役於世味者而尊禮之。以示其的。流濁而務澄其源。則無乎勿清矣。絲棼而務尋其緒。則無乎勿理矣。蓋人之難知也。似是而非者。亂之也。故孟子闢鄉愿。而曰居之似忠信。行之似廉潔。中庸定君子小人之介。而蔽之以闇然日章。的然日亡。夫謂之闇然。初何加於日用常行之外。然而言君子者必歸焉。謂之的然。

豈無烜赫動人之事。然而言小人者必歸焉。蓋篤志
潛修。與立異近名。本來原自迥別。實心任事。與矯情
干譽者。究竟終必殊科。此誠僞之間。識者辨之早也。
今天下皆知君子當用。而恒不快其闇然之迹。皆知
小人之當遠。而或偶中其的然之机。皆知鄉愿之可
惡。而或難於似忠信廉潔者之非刺。何惑乎人心之
愈趨愈變。而卒無定歸也哉。伏乞特勅該部。乘茲簡
汰。咸與維新。自今考察之後。一應進退人才。寧寔毋
華。寧拙毋巧。遏之於舉世之所必趨。而察之於人情

之所易忽當官慎矣、必細覈諸月旦、議論是矣、必夷考其躬行、一節竒矣、必歷稽其素履、其才果真、則高明沉潛、品不同而同適於用、豈容操一轍而廢百途、其質本賡、則果敢脂韋、弊不同而同害於事、豈容徇一曲而開衆竇、迹之所在、有甚不諧於俗者、要其心原無所爲、則雖異猶同也、毋使椎朴孤介之士、一槩混於庸人、而終身夔屈、以爲天下之口寔、一時行事有若大異於人者、乃其心、窈有所覲、則雖義亦利也、毋使色取行違之輩、一旦竄入君子、而借其赤幟、以

塗天下之耳目。蓋士之挾筴而來也。疇不欲托諸功名以垂不朽。而乘机構會。本無定趨。故欲使天下之拱手揖讓而輕功名。不可能也。使天下之尋塗索軌。而不以便捷爭功名。猶可能也。轉移化導。在陛下加之意而已。抑臣猶有說焉。進退人才者。部院事也。進退大臣者。陛下事也。大臣之品不同。有以德勝者。有以才勝者。德勝者落落難合。恒無以結人主之知。而才勝者。特達圓融。必預獲夫先容之助。故知人則哲。自古難之。昔文帝漢之英主也。而季布先朝舊

臣也。一人譽之。則自河東召至闕下。一人毀之。則自闕下遣還河東。布卽嘵嘵面陳。竟置勿察。彼其一人之身而毀譽倏忽。愛憎隨之。况積毀與羣譽者哉。故明主之簡用大臣。無他術也。慎其愛憎。而不以毀譽則善矣。臣願陛下以振刷吏治之心。致詳於視聽。以明鑒萬里之用。旁燭於幾微。可否付諸外庭。是非公之天下。則疑間不生。舉措悉當。而衆賢不和於朝。治化不臻於上理者。未之有也。

皇明經世文編卷之終

皇明經世編

許以徵
卷之一

祭典

三

平露堂